

I **ofizi de comun resta stluc** en lönesc, al 1 de jügn.

Racoiüda dl **refodam da tosser** a San Martin dan le magazinn di stödafüch en lönesc, ai 8 de jügn, dales 10.00 ales 11.00.

SAN MARTIN Y LUNGIARÜ

I consëis de cöra da San Martin y Lungiarü á stablil deboriada:

En la **festa dles Antlës** gnaral tigní a San Martin la gran mësä dales 8.00 y a Lungiarü la gran mësä cun prozesciun dales 9.30.

En la **festa dl Cör de Gejú**, ará chi da Lungiarü la gran mësä dales 8.00 y chi da San Martin la gran mësä cun prozesciun dales 9.30.

Invit ai **ciantadus che va en Jeunn** a na proa en dedolönesc ai 2 de jügn, dales 20.00, tl local di ciantadus a La Val.

Invit ala porta daverta tla scora mesana tl **Herz-Jesu-Institut a Mühlbach** en sabeda, ai 6 de jügn danmisdé (ciara ultima plata).

SAN MARTIN

Por gauja dla prozesciun de Jeunn vëgn la **prozesciun y la mësä en onú de Sant Antone a Picolin** bele tignida en sabeda, ai 6 de jügn: la prozesciun pëia ia da San Martin dales 18.00 y la mësä é a Picolin dales 18.30; a San Martin n'él porchël degöna mësä prefestia.

La **prozesciun ex voto sô La Crusc** vëgn tignida en la festa Dles Antlës, ai 7 de jügn, pian ia dala Cialciara dales 13.30.

Al s'á abiné sô deplü **crusc de fosses che é gnüdes tutes demez**. I familiars di defunc dles crusc tutes demez é inviá, sc'ai á interes, da se tó les crusc cina ala fin de jügn 2015, zënza gnarares venüdes por curí les spëises de cortina.

La Scora de Musiga inviëia düc dër bel al **concert de contlujun a Al Plan** en lönesc ai 8 de jügn dales 18.00 söl paiun dla musiga. Al sará da aldí melodies y toc musicaí portá dant dai scholars dla Scora de Musiga.

Le Sorvisc ai Jogn chir **volontars da daidé pro la "Festa di mituns 2015"** ai 14 de messé; interessá é invia da cherdé sô cina ai 5 de jügn 0474 523 070.

Sorvisc ai Jogn: al vëgn lascé al savëi che por le **iade d'aventöra al'Ijola d'Elba**, dai 18 ai 25 de jügn, por jogn y jones tl'eté dla scora alta, él ciamó 3 posc lëdi. Chi che á interes, é peria da se prenoté por mail a valentin@jogn.org o 335 54 00 890 cina en jöbia, ai 4 de jügn.

Döt le bun a chi che complësc i agn de jügn

a San Martin: Angelina Tolpeit che nen complësc 89 ai 9
Ida Dariz che nen complësc 95 ai 11
Lois Clara che nen complësc 80 ai 15
Pire Erlacher che nen complësc 81 ai 15
Hermann Burchia che nen complësc 91 ai 30

a Lungiarü: Doro Clara che nen complësc 80 ai 10
Monica Clara-Mischi che nen complësc 84 ai 13
Flavia Costa Clara che nen complësc 97 ai 15



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

31.05 - 07.06.2015 nr. 27

termo da publiché: jöbia 20.00
radio: 90,40 / 93,70



FESTA DLA TRINITÉ

Vangele: Matí 28,16-20

Te chël tēmp

é i önesc discepui jüs tla Galilea
sön chë munt che Gejú ti à dit.

Y canch'ai á odü Gejú,
s'ai inslenè dan da d'ël.

Mo n valgügn dubitá.

Dailô ti é Gejú jü pomez y ti à dit:

A mé m'él dè dōta la potesté tl cil y sōla tera.

Porchël jide da düc i popui

y fajede fora de dōta la jënt mi discepui;

batiedi tl inom dl Pere y dl Fi y dl Spirit Sant,

y insignedi da osservè döt ci ch'i ves à dè sō.

Ćiarede: Iö sun cun os, düc i dis cina ala fin dl monn.



„I desses ester sigüsc, i sun pro os düc i dis cina ala fin dl monn.“

Na impormetüda y n invit. I dessun ester sigüsc y se tigní lapró. Mo sovënz ne sunse nia bugn. Al é tan de momënc y tan de dis, olach'i ne sintiun nia so aiüt y súa vijinanza, olach'i se sintiun susc y al nes vëgn imënt che Idî ne s'interessëia nia de nos y de chësc monn.

Te chisc momënc: impó speré, impó confidé, impó chirí súa presënza, porvé da crëie ch'al é ince tla desperaziun pro nos. Porvé da speré ch'al é cun nos ince sc'al pê che nia ne vais inant. Porvé da confidé ch'al se lascia pa bëgn indô a d'intëne, forsc te na manira gnanca aspetada, te na forza ch'i sintiun daite, te na incuntada de na porsona, te na ona de sarëgn.

La impormetüda de Gejú vel propi por i momënc y i dis ch'i stentun da jí inant y ch'i ne sun nia plü dër bugn da crëie. I ciarun da se tigní pro súa parora tan ch'i sun bugn, ince sc'al n'é datrai nia saurí - o propi porchël.

	SAN MARTIN		LUNGIARÜ
31.05.15 FESTA DLA TRINITÉ	9.30 Gran Mëssa dla comunité <i>cun le cor di mituns</i> 19.30 Corona de ma sò Ju	31.05.15 Domënia	7.55 Corona de ma 8.15 Gran Mëssa cun y por les families dedô aurela cörta y marëna 15.00 Corona tla Capela da Seres
01.06.15 Lönesc <i>Iustin, Simeon</i>		01.06.15 Lönesc	
02.06.15 Dedolönesc <i>Marcelin y Pire, Eugen, Stefan</i>	19.30 Mëssa en onú de San Florian + Maria Pedevilla	02.06.15 Mertesc	
03.06.15 Dedemesaledema <i>Carl Lwanga y compagns, Oliva</i>	<i>Peregrinaje dl KVV a Riffian</i>	03.06.15 Mercui	degöna mëssa
04.06.15 Jöbia <i>Klothilde, Crista, Walter, Quirin</i>	7.00 Confesciuns 7.30 Mëssa di scolars famila de Hermann Costabiei + Nane Zingerle + + Sepl y Monica Tavella, Fiun Corona por vocaziuns danmisdé Comuniun ai amará	04.06.15 Jöbia	
05.06.15 Vëndres <i>Bonifaz, Igor</i> Pröm Vëndres	19.00 Adoraziun chîta 19.30 Devoziun al Cör de Gejú	05.06.15 Vëndres	7.00 Adoraziun al Cör de Gejú Confesciuuns 7.30 Mëssa fam. Sepl Pezzei, Camura (de reng.) + + dla fam. Ricá Moling + + Milia y Albina Clara Comuniun ai amará
06.06.15 Sabeda <i>Norbert, Bertrand, Kevin</i>	11.00 Noza de Elisabeth Trebo y Juri Menegot 15.30 Mëssa tla Ciasa de Palsa 18.00 Prozesciun a Picolin 18.30 Mëssa prefestia <u>a Picolin</u> en onú de Sant Antone da Padua famila Pepi Videsott 2ª de sopoltöra de Corrado Castlunger + + defunc Videsott da Picolin	06.06.15 Sabeda	20.00 Mëssa prefestia + Angela Costa + Ivo Sorá + + Giovanni y Sabina Clara
07.06.15 FESTA DLES ANTLÊS	7.30 Corona por le defunt Corrado Castlunger 8.00 Mëssa solëna dla comunité 13.30 Prozesciun ex voto sò La Crusc dala Cialciara demez	07.06.15 Domënia	9.30 Mëssa solëna dla comunité Prozesciun eucaristica 15.00 Corona tla Capela da Seres